



## **Qredits ta atraé finansiamentu nobo serka Fondo di Penshun Karibe Hulandes “Mas empresario riba islanan BES ta haña oportunitat “pa kuminsá un negoshi”**

Almelo, 5 di sèptèmber 2025 – Qredits a sigui fortifiká su base finansiero. Fondo di Penshun Karibe Hulandes (PCN) ta pone un fianza di 3 mion dòler disponibel, spesialmente pa empresarionan na Boneiru, Sint Eustatius i Saba.

### **Sosten èkstra pa empresarionan den teritorio di Karibe**

E finansiamentu di Fondo di Penshun Karibe Hulandes ta hasi posibel ku Qredits ta sigui ámplia su servisio na kliente riba islanan BES. For di 2015 Qredits ta duna kréditonan mikro den e parti Karibense di Reino. E èkstra finansiamentu di PCN ta pèrmití Qredits pa yuda mas empresa krese, krea kupo di trabou i fortifiká ekonomia lokal.

André Dolsma, Direktor Komersial Qredits: *“Qredits ta kere ku tur hende ku tin un bon idea mester haña chèns pa emprendé. Danki na e koperashon ku PCN nos por ofresé mas empresario riba islanan BES e oportunitat ei.”*

### **Mas ku solamente finansiamentu**

Qredits ta un fundashon ku sin fin di lukro ta hasi esfuerso pa stimulá kalidat empresarial na Hulanda i den parti Karibense di Reino. Den region di Karibe Qredits ta fasilitá krédito i e fundashon ta ofresé entrenamentu, duna guia i programanan di edukashon. E eskala di e islanan ta motibu ku e impakto ta enorme. Esei ta hasi ku Qredits ta kolaborá estrechamente ku gobièrnunan lokal pa stimulá kresementu i inovashon di kalidat empresarial.

### **Emprendé ta aksesibel pa tur hende**

Aksesio na finansiamentu ta esensial pa independensia ekonómiko, finansiero i sosial di e empresario. Ku e finansiamentu di PCN Qredits ta sigui traha na stimulá kalidat empresarial riba islanan BES. Asina emprendé ta bira aksesibel pa tur hende ku tin un bon idea.



*Harald Linkels (PCN), André Dolsma i Milagros Banken (Qredits) ta firma e akuerdo*